

覺世寶經中  
西集證

民國二十六年夏

楊壽楨



# 覺世寶經中西彙證卷一

無錫楊鍾鈺章甫敬編

同里唐淞源映江恭校  
蔣翼歐孫

## 關聖夫子覺世經解

恭錄上海元益善書流通處刊本

吾何以覺世哉。古來自聖賢經傳而外。太上道祖以感應篇覺世矣。文昌帝君以陰騭文覺世矣。孚佑帝君以求心篇覺世矣。悉本一片婆心。滿腔熱血。非不言之詳。且至也。奈何世人不覺。誨者諄諄。聽之藐藐。一念之乖。終身莫贖。吾憫之。憂之。緣卽吾之所知。所能者。以覺世。然吾之所知。非斯世所難。知吾之所能。非斯世所難。能亦不過卽吾孩提少長之知能。拳拳服膺。而弗失之耳。吾願舉世之有覺者。覺已之所覺。無異於覺吾之覺。則吾之心慰。卽古來聖賢仙佛之心。亦無不慰。

(案)謹攷 帝以漢桓帝延熹二年庚子六月二十四日。生於河東解州。志載 帝聖像鳳

眼。蠶。眉。面。色。正。赤。有。七。痣。身。長。九。尺。五。寸。髯。長。一。尺。八。寸。漢。孝。靈。皇。帝。中。平。末。帝。自。解。至。涿。始。事。昭。烈。帝。生。平。事。蹟。有。本。傳。可。考。大。義。參。天。盛。名。蓋。世。身。後。累。世。崇。封。直。與。尼。山。並。峙。矣。帝。之。精。英。疊。見。捍。患。禦。災。普。天。幾。徧。所。禍。惟。淫。所。福。惟。善。降。筆。惟。訓。廣。勸。世。民。此。經。尤。著。按。同。善。錄。載。王。篠。屏。覺。世。經。詩。本。中。引。前。明。王。陽。明。先。生。覺。世。經。序。則。此。經。傳。誦。已。久。刻。是。經。者。屢。彰。靈。驗。不。可。勝。載。歲。己。酉。有。自。湖。南。來。者。得。文。帝。庚。子。孟。冬。降。湖。北。江。夏。縣。張。宅。親。解。陰。隲。文。一。書。歲。庚。戌。復。從。都。中。得。文。帝。甲。辰。四。月。降。四。川。巴。縣。雙。蓮。堂。於。宅。親。解。陰。隲。文。一。書。同。人。中。因。有。求。帝。親。解。覺。世。真。經。之。愿。今。年。八。月。初。六。日。蒙。帝。逐。加。親。解。並。奉。帝。命。於。每。條。下。引。確。當。易。曉。故。實。一。二。項。作。證。又。奉。文。帝。命。廣。佈。以。昭。信。奉。謹。誌。巔。末。於。此。

帝君曰。人生在世。貴盡忠孝節義等事。方於人道無愧。可立於天地之間。

天地之間。人爲貴。然人之所以可貴者。非徒貴其耳。能聽。目能視。口能言。手足能持行之。謂也。貴其天地之性。人稟之天地之心。人立之。則忠孝節義。尙焉是忠孝。

節義爲萬化之原。百行之所從出也。今試執途人而責之曰。爾不忠孝。節義其人必艱然怒。又試執途人而稱之曰。爾能忠孝。節義其人必忻然喜。何則。本來固有之良盡人同具故耳。人苟卽是心而固守之。舉是心而擴充之。便可稟天地之性以立天地之心。立於天地之間而無愧矣。不然。徒生於世。與鳥獸草木無異。且鳥中有鳳。獸中有麟。草木有靈芝。連理將挾其見貴於世者。以笑人人。失其天地生人之意。反鳥獸草木之不若。真愧死矣。

（案）晉顯宗時。歷陽內史蘇峻反。攻清溪柵。卞壺爲尙書令。帥諸軍拒擊。時壺背癰新愈。力疾禦之。苦戰而死。二子眇眇亦從死於敵。其母撫屍哭曰。父爲忠臣。子爲孝子。復何恨乎。後子孫貴顯。漢曹娥上虞人。其父善巫祝。五月五日迎潮神于江上。溺死。娥年十四歲。哀號慟哭。乃抱一瓜投於水面。祝曰。父屍所在。此瓜當沈。沿江而尋之。旬有七日。瓜偶沈。娥投江而死。經五日。抱父屍而出。於波上見者笑之。娥屍與父屍忽復沈。稍頃乃背負而出。人驚異之。拯而置於岸。其屍不朽。香氣四達。鄉人聞諸官長爲之禮葬。而立廟於江側。春秋享祀。近年有降筆勸孝文一篇。其辭曰。嗚呼孝之爲道大矣哉。無古無今。無始無終。何貴何賤。何污何

隆惠迪則吉從逆則凶孝無不友孝無不忠貞烈條貫節義源同民物推暨胞與擴充取之無禁用之不窮變變戰戰洩洩融融而爲甘雨變而爲和風景星慶雲莫非孝光發現祥麟威鳳悉是孝德潛通何以爲天地之完人祇完克愛與克敬何以爲乾坤之肖子祇肖致和與致中嗚呼孝之爲道大矣哉吾且合今古統始終胥貴賤混汚隆與二三子而一闡萬世之鴻濛此文未行於世謹附載之徐允讓山陰人元末兵亂同妻潘負父避難遇寇傷父額讓抱父呼曰寧殺我勿害我父寇捨父殺讓拉潘給曰夫死自從汝但能焚我夫則無憾賊縱潘聚薪焚夫火熾投烈焰中死賊驚歎去高岱越人以孝廉仕魯爲職方主事江上師敗遂絕粒祈死効首陽之義子朗坐守八日不死檄文到日朗告父曰兒不能待矣乃給工人駕舟出海口肅衣冠北面再拜欲跳身下工人力持之乃嚙工人臂創極始放縱身入海工人又赴水拯之捫其幘幘欹踰時復躍出水面手正其幘而沒工歸報岱岱瞠目曰兒果能先我死耶後不復言數日亦死

曾文正公諭子書曰三綱之道君爲臣綱父爲子綱夫爲妻綱是地維所賴以立天柱所賴以尊故傳曰君天也父天也夫天也儀禮曰君至尊也父至尊也夫至尊也君雖不仁臣不可以不忠父雖不慈子不可以不孝夫雖不賢妻不可以不順我家讀書居官世守禮義吾

於諸女妝奩甚薄。然使女果貧困。吾亦必周濟而覆育之。爾諄勸諸妹以能耐勞忍氣爲要。吾服官多年。亦常在耐勞忍氣上做工夫也。

史立庵先生大成。貳宗伯時。同人議裁孝子節婦給廩。曰彼分內事。何與朝廷。先生毅然曰。爲子不孝。爲婦不貞。亦何與朝廷。必以法繩之。耶議遂寢。先生性至孝。會其父思之。令先生繪己容寄父。先生聞命驚怵。乃上疏曰。臣父思子不見。思見子之儀容。臣而忍此。不可爲人子。亦何以爲人臣。世祖覽奏。憫然特許。終養。清代名人軼事。

沈公起元。陳臬河南。令府縣各設書院。又立章善坊。令諸州縣舉孝子。悌弟。義夫。貞婦。公採訪事實。著章善錄板行。一時風動。有兄弟爭訟累年。忽大悔。讓財產。友愛終其身。全上。安化陶文毅公澍撫蘇時。以一疏請旌武進陽湖貞孝節烈婦女三千十八人。一疏請旌上元江寧貞孝節烈婦女五百餘人。各建總坊以表之。其總祠則聽紳士自爲。在朝廷不過費帑六十金。而潛德幽光闡發至三千五百餘人之多。時家大人在江蘇。藩任襄辦其事。因請宮保將此全案付梓。咨行各省。照辦並囑各牧令照刊廣送。夫各省待旌者不可數計。寒閨嫠婦。胥吏藉爲需索之端。一婦得旌。費須百餘金。窮簷苦節。其何以堪。今有此冊。紳士牧令即可照案請行。名節日尊。風俗日美。則此冊功德詎有涯哉。浦城周廣文啓。豐亦總建寧七。

屬之貞孝節烈婦女二千一百餘名口合爲請旌如江南例余亦勸其刊冊廣頒蓋總祠總坊之建皆尙需時日不若壽諸棗梨俾人人寓目因備述此事緣起以示之（勸戒續錄）

乾隆間覺羅雅中丞巡撫江蘇諸事綜覈有過當者潘芸皋先生曰昔程伊川言餓死事小失節事大是以忠臣孝子節婦孤嫠國家有旌表之例吾吳歲辦甚愜人心惟雅公任內有不許濫膺之令遂使陋巷窮孀向隅飲泣夫忠孝二事固臣子所當然而婦人女子素未讀書獨能守志不移尤不可泯滅恭逢聖人御宇凡有水旱偏災不惜數百萬帑金以嘉惠元元雅公獨爲此省小費耶後雅以征庫車城失機正法（勸戒四錄）

凡勸化之最足動人者莫如演做好戲王陽明先生曰要民俗反樸還淳宜取今之戲子將妖淫詞調俱去了只取忠臣孝子故事使愚俗人人易曉無意中感激他良知起來卻於風化有益故點戲者務要點忠孝節義等齣如糟糠剪髮尋親泣杖蘆林看畫代殺別弟度蟻還帶硃砂記雷霆報之類見之者每多感泣比尋常勸化之功勝過百倍此真潛移默化莫大陰功萬不可點淫穢小戲敗俗傷風爲害極酷要知臺上演戲臺下有無數年少男女聚觀暗受其害者不勝言人亦何苦以一時意興造此無窮罪孽哉至於花鼓淫戲爲害更酷浙西某縣某鄉於道光二十五年演此戲八臺桑濮之風從此大盛近見蘇郡京口皆有勸

弗點淫戲。單傳貼各廟宇。感化者甚衆。操風化之權者。能嚴禁教習演唱違者。科以重罪。并將淫穢傳奇刻本。盡行銷燬。庶人心風俗。可以還淳。其功當不在孟子下。凡地方孝子悌弟。貞女節婦。宜捐資代爲請獎。或建總坊。或立匾額。或設立孝子節婦公祠。已經請旌者。送主人祠。卽未請旌者。可先立主。以待旌表。邀同人朔望拈香。春秋致祭。庶潛德幽光。不致終於埋沒。觀感之下。當必有人奮勉者。李二曲先生居鄉。建立節孝公祠。自此一方無再醮者。然必禁演淫戲。乃可保全。若不嚴禁。則朝廷旌揚大典。敗於二三優伶。而有餘有心者。當知所務矣。勸戒五錄以上。忠孝節義總。

武王有疾。周公以王室未安。殷民未服。根本易搖。故請命太王。王季。文王。欲以身代王死。史錄其冊祝之文。藏於金縢之匱。王翼日乃瘳。

箕子朝周。過故殷墟。傷宮室毀圯。禾黍生焉。故作麥秀之歌。曰。麥秀漸漸兮。禾黍油油兮。彼狡童兮。不與我好兮。殷之遺民聞之。莫不流涕。

周厲王心戾虐。萬民弗忍。乃相與叛襲王。王出奔於彘。太子靖匿於召公之家。國人圍之。召公曰。昔吾驟諫。王不從。以及此難也。今殺王太子。王其以我爲讎而懟怒乎。夫事君者。險而不懟。怨而不怒。況事王乎。乃以其子代王太子。太子竟得脫。後爲宣王成中興之業。

楊忠襄公諱邦父。通判建康。金人至江上。僕射杜充。戶部尙書李昉。顯謨學士陳邦光。皆具降狀迎之。金帥宗弼入城。稅邦光率官屬拜迎。邦父不屈膝。以血大書衣裾曰。寧作趙氏鬼。不爲他邦臣。宗弼說邦父許以舊官。邦父首觸柱礎流血曰。世豈有不畏死而可利動者。速殺我。他日宗弼與稅邦光宴。邦父叱稅邦光曰。天子以若扞城敵至不抗。更共宴樂。尙何面目見我。虜官以幅紙書死活二字。示邦父曰。若無多云。欲死書死字。邦父奮筆書死字。金人動色。已而宗弼再引邦父。邦父不勝憤遙望大罵曰。若汝圖中原。天寧久假汝行磔汝萬段。安得污我。宗弼殺之。年四十四。謚忠襄。贈徽猷閣待制。少處郡學。目不視非禮。同舍欲墮其守。託言故舊家。實倡館也。酒行倡女出。邦父愕然疾趨還解衣冠焚之。流涕自責。宋史秦良玉。明石柱宣撫使馬千乘夫人也。千乘死。良玉代領其衆。爲人饒膽識。善騎射。通詞翰。而馭下嚴。戎伍肅然。熹宗時。永寧蠻奢崇明據重慶反。以金帛賂良玉。良玉斬其使。遣弟民屏率兵四千倍道兼行。扼賊歸路。而自統精兵六千人援成都。所向皆捷。未幾民屏力戰死。良玉散家財助餉。率其諸姪誓平蜀盜。及獻忠陷全蜀。良玉曰。吾兄弟二人皆死於兵。吾以孱弱婦人。蒙甲冑二十年。今不幸至此。肯以餘年事賊哉。悉召所部約曰。有從賊者殺無赦。乃分兵守四境。賊肆行殺掠。獨無敢至石柱者。古今義俠奇觀。

嘉慶十八年。河南滑縣教匪滋事。濬縣密邇。甚危急。時知縣事者。爲桂林朱蘊山先生鳳森。堅壁清野。力捍孤城。全活生靈不翅億萬。其長嗣濂甫太史琦中辛卯解元。是科北閭解元。董似穀卽同時守城。縣尉之子亦入詞垣。濂甫近已轉監察御史。勸戒續錄。

湖南羅提督思舉。蜀人。臨陣不避鎗礮。所服戰袍爲鉛丸火燒圓孔無數。然卒不死。嘗云。自顧何人官爵至此。若得死疆場。則受恩更渥。苦我無此福分耳。以不能死。兵爲無福。洵忠勇之言也。相傳戰陣之間。巧於避死者。往往卽死。屹然不畏死者。往往不死。忠義者可以勸矣。

（勸戒續錄）

十九世紀。英人駐守印度拉克腦之官吏及婦女等。爲叛民所圍數月。然英人守禦如故。無一人降者。英兵僅三千五百人。而賊軍七萬五千人。攻凡三十次。縱有死傷疾病。而勇氣未嘗稍衰。防戰後。英國之旗又飄埽兒希城堞上矣。英國職分論。

歐洲有小共和國曰瑞西。困於奧大利虐政數百年。顧其民剛毅勤儉。富於自立之精神。奧軍之入瑞西也。兩軍旣交。頗不利。惠克林望見之。呼曰。國人其惠顧我妻子。遂奮身陷陣。瑞西人乘之大破奧軍。嗣後此小共和國儼然保持其自由。年年以香花頌此英雄焉。全上。

婦女之賢者。每能鼓勵其子。玉成果敢之氣概。昔斯巴達國一軍人以劍短不懌其母。誠子。

曰汝進一步可矣。又斯巴達婦人當子出征時囑之曰汝不能殺敵亦當殉國切不可棄盾而逸也。前美西之戰美之婦女亦以寧爲勇者嫠不作懦夫婦相告語嗚呼可以風矣（美國成功寶訣）以上忠

公孫僑字子產鄭國人善事母奉命聘晉道中忽心痛遂遣人還家視母母曰我身體不調忽憶汝爾更無他也其誠孝之心無時或忘故遠道之相感也如此其爲鄭國賢相固宜唐張九齡素端模範有風節元宗朝爲名宰相居父喪哀毀逾恒庭中木忽連理母喪毀不勝哀有紫芝瑞草產于座側白鳩白雀巢冢樹而不去（唐書）

明鄧愈多謀畧事太祖開疆拓土建有功績與徐達常遇春齊名事母至孝撫幼弟有恩惠亦善體母心敬禮儒士略無矜怠生平言語簡重慎密有士君子之行卒封寧河王諡武順（明史）

明江西新城王宗洛妻陳氏其夫作客他省姑老病重婦日夜焚香告天願減己壽以益姑年醫言此老病難療或者龍肝鳳髓乃可救耳婦信之默念龍肝不可得何不己肝代之乃禱竈神取刀刺脇得肝一葉煎湯送進姑食之而美問何物婦託言是羊肝食畢病卽愈婦創口血水未乾爲小姑所窺合家驚傳姑方悟婦之割肝也爲之痛哭撫慰之姑又隔十

二年而卒。巡撫周公聞之。給匾旌其門曰奇孝格。天後婦享壽百有八歲。子孫五世同堂。一日召集家人謂我將升天。金童玉女來迎我矣。言訖而逝。(女廿四孝)

釋迦牟尼佛告諸比丘。吾世世奉諸佛至孝之行。德高福盛。遂成天中之天。三界獨步。(六度集經)

釋迦如來無量劫前。爲波羅奈國王太子。性善不瞋。名曰忍辱。太子樂善喜施。聰明仁慈。爾時有六大臣。暴惡奸佞。自知所爲不道。常嫉妬太子。適王嬰重病。命在旦夕。太子求妙藥。不得。憂惱悶絕。六大臣謀害太子。言欲求妙藥。須得生來不瞋之人。眼睛及其骨髓。得全王命。太子言。我生來未瞋。似是其人。但使父之病愈者。我雖捨千百身。亦不爲難。卽叩別其母。命人斷骨出髓。剗其兩目。擣藥奉。上大王。孝思所感。王病果瘥。王聞是太子捨身救父。大哭投地。卽聚旃檀香。闍維太子身骨。復以七寶起塔供養。(佛報恩經)

美總統華盛頓之父奧佳斯。生四子而妻死。續娶馬利褒。生五子。華盛頓其長也。馬利褒撫前子如己。出整理家政。教育子女。咸有法度。華盛頓年十三而孤。母命入校勤學。守規矩。慎言行。絕不爲不道德之事。其前母兄魯連士。爲覓得一海軍少尉。缺喜極欲赴職。其母恐染海軍奢縱習。不許往。華盛頓祇順無違。兄歿遺妻及幼女。華盛頓養生送死。足慰兄嫂之心。

後被舉爲大統領。歸語其母。母愀然曰。吾老且病。殆以今與汝訣。汝往哉。速奉行天命。華盛頓涕泣不忍去。母勗之乃行。後得報母死。華盛頓大慟。急命駕歸。舉行葬儀。國人以華盛頓母賢且生令子福國家甚尊敬之故。聞其喪也。咸爲感泣。（少年叢書）

歐洲某城被圍於敵。城陷之日。生靈塗炭。內有兄弟二人。曾施恩於敵國之王。王特宥二人。令各以己力。擔運財寶以去。二人運何寶物乎。則兄之背有父弟之背有母。萬目睽睽。歎爲眞孝子亡人。無以爲寶。仁親以爲寶。其是之謂乎。（歐美德育佳話）

有一法國童子名壁立。其母病於床。思嘗甜橘。而家中已絕糧。經日無分文錢。壁立步於途。見有廣告云。今夜名伶馬立不闌夫人登台演唱。此童子忽生希望。持舊作小曲往謁時馬夫人。聲價甚高。不輕見客。然不忍拂童子求見。壁立進而鞠躬曰。余母病革。倘蒙君登台時。將此小曲一唱。或有購此稿本者。亦可聊慰吾親矣。馬夫人略閱其文。一遍許之。隨給一金元。購買食物。並給一戲券。囑其入場。是夜坐客擁擠。馬夫人登台時。將此悲苦小曲按譜而歌之。哀音如縷。餘韻繞梁一曲之白紵未終。滿座之青衫皆濕。壁立聞之而喜。鼓掌不能自已。次日馬夫人到其家。慰其母曰。汝子殆天之所賜乎。小曲稿本已有人出三百磅購買。此款可充君家用度。壁立跪謝上帝。不數年後。馬夫人一病不起。安慰而祈禱之。立其旁而送。

其終者卽壁立也（美國勵志集）以上孝

婺源董小查編修與其兄柳江編修昆仲皆官清要其繼母某太宜人尙在堂戚郇來賀太宜人語諸婦輩曰余初孀時有以家貧子幼游詞煢聽者余拒不答適在戚郇家觀雙冠誥一劇勃然益決撫孤守志致有今日汝等毋謂觀劇無益也太宜人賢聞一邑而現身爲中人說法益足徵太宜人之盛德宜其賢母賢子冠冕婺川也（勸戒四錄）

乾隆五十七年揚州程姓者開洋廣貨鋪其同事汪生性誠樸一日程購貨於粵挈汪同往至惠州境邑紳某贅汪爲婿婚夕女背燈坐生悄語曰夜已深可卸妝矣三促之女始轉顧曰聞君父母已故無他兄弟如爲宗祧計君家鄉自可娶婦何必貪一時之歡而喪身數千里外爲君計不如早遜爲是然妾已屬君三年後妾必死願君立一神主於先公姑之側感君不朽言訖泣下生悚然不解所謂女正色曰吾惠州瘴毒尤甚凡女子犯癩疾者必先私與一人合而後親友乃爲作伐議親其與私合之人不踰年而毒發豈非必死哉吾恥爲此不貞之事亦不忍害君故直告耳生恐懼求策女曰妾身既屬君誓不他適重贈君而去可也妾不過三年必死君待妾三年後再娶君之姓名住址親書一簡與妾爲異日尋君計也言訖嗚咽生遂寫一簡付女女出金釧一雙曰此可携回稍助資本二人遂和衣而臥明日

生請携眷回。母不可遂。厚贈而去。生還而程沒。其子信任。生亦出資協力。生計日饒。逾三年。有友勸曰。君今當室而舊約已償。無負此女矣。生乃娶某氏。婦亦賢淑。且勤儉相助。又踰年。突有女。句蓬首垢面。質入鋪。手出一簡。適生自外入。女曰。郎君幸在此。不枉我數千里辛苦也。生始知爲女。爲泣下急。導入內。婦聞卽出。呼以姊。生告以過三年之約。纔納婦耳。女唯唯。旣而曰。妾今之來。就君以棲殘魄耳。但求別一室。日兩頓而已。生使一老誠嫗侍其起居。日爲洗盥。疏剔漸復人形。女性嗜酒。鋪自貫京江紹酒。積蠶累累。任老嫗取之。無禁也。室角有一巨甕。司酒者前歲見一烏。稍蛇蜿蜒而入。以酒多不忍棄。故特置閒處。嫗不知也。每取以供女。女飲而甘之。忽一夜。覺渾身浮腫。面上痂厚處漸裂。女驚泣。使嫗呼生至。告以必死矣。生悲啼寬慰而去。自是日必屢至。踰數日。女覺腫消。痂乾。細視落處。宛然好膚。眉髮復生。新茸矣。生聞來。視有告。以日所飲者蛇酒也。生命傾囊以覘。其異則一烏稍蜷曲於中焉。未兩月。女痂盡落。猶然好女子也。生婦請擇吉與生重行合卺。禮強而後可。婦事女甚敬。呼以姊。尤加禮焉。後女生一子。一女。婦生二子。互乳無猜。極相和順。而生鋪日益充裕。遂成鉅富。程子亦賴生輔佐。世業復興焉。同時邦人譜爲鳳棲亭傳奇。以勸世之貞女義男。鳳棲亭者。卽生與女初晤面之處也。(勸戒五錄)

亞耳伯親王者。英女皇維多利亞之未婚夫也。女皇踐位。親王致書賀曰。今貴嬪爲歐洲大國之君主。數千萬人之幸福。惟貴嬪是賴。願皇天眷佑貴嬪。於國於民。誕降多福云云。親王於是遊歷各國。研究政治。得失以備他日。贊襄密勿。造福蒼黎。厥後女皇愛敬甚摯。政修德溥。親王默贊之力。爲多。王卒。女皇終身素服大節。炳然。洵可爲全球夫婦之軌範矣。（歐美德育佳話）以上節。

四明鄔憶川諱孟震。年二十九喪妻何氏。誓不更娶。終身不復言男女事。婦有再醮者。挾貲以通。勃然曰。若愧爲婦。奈何污吾暮夜有奔之者。厲聲叱去。亦竟不與人言。夜携兩兒蕭然並臥。當事者時賜粟帛。扁其門曰。義夫子元會仕至新安太守（節義傳）。

明正德時。錢塘徐文亮橫遭冤屈。書童小福祿進京叩闕。遇女俠白艷紅。義之。願與同往。到京後。艷紅探得朝中直言敢諫者。惟首相范其鸞。又聞皇帝將行郊天大禮。乃潛入范相府內。筵前突現一帖。云。郊天禮畢。義僕叩闕。正直相臣留心察閱。勿使書生含冤。官吏徼倖。范相閱畢。知必有爲。元日正德郊天畢。將回轡。果有義僕小福祿叩闕一事。正德大怒。卽派范相至錢塘查辦。范竭力鉤稽。沈寃大白。嗣後福祿卽與艷紅成爲夫婦。云（義俠奇觀）。

零陵某公。官山左時。買一婢。貌頗娟秀。而性頑劣。偶使捧杯盤。輒毀器焉。公與夫人性俱慈。

厚。惟加訓斥。不施撻楚也。無何。婢年長矣。夫人欲嫁之。婢忽涕泣。誓從夫人。不願去。未幾。公以病乞休。歸過曹州。盜忽破扉進。舉家惶慄。盜入搜囊橐。婢突前以手格之。盜踣。盜繼入者。揮刃如風。婢伏身。獠進。橫指劈之。盜若中刀。亦踣。相持良久。盜衆乃去。舉家咸謝婢。婢乃曰。吾父有絕技。婢子得其鍊指法。後父母病逝。婢子瑩瑩。遂鬻身爲婢。前日不去者。以主人恩我。甚至欲得當以報耳。今前途皆孔道。無慮伏莽。主人如念婢子勞。乞釋歸。故鄉守父母邱墓。公曰。汝勇俠而孝。巾幗中異人也。吾方欲以若爲女。胡言歸卒。挈之返。後嫁一士人。亦官於魯。乃歸里。改葬其親。置守冢者焉。(全上)

英國副主教赫爾。嘗主剛橋學堂。講席一日。方講演義。忽報火警。弟子乃罷課。赫氏亦出課堂。則見校中生徒。站立成行。自校舍直達河濱。以桶汲水。傳遞灌救。行末一生。立於河中。水及其腰。是生體質脆弱。且患勞症。赫爾憫之。曰。史德鄰。若居水中。不患受寒乎。蓋倩人瓜代。史率爾對曰。水中旣需人。則他人可入者。弟子亦安敢辭。此語實爲世界種種偉業。善舉之精神。蓋懦夫遇事退讓。諉爲有他人在。明德之士。知其事之當爲。毅然仗義而事。竟以成。(美國成功寶訣)

有一人偕二伴侶。引導遊客一隊。登阿爾卑斯山之高峯。山坡陡絕。旁皆冰雪。諸人各以索